

EGOITZEN IXTEA DONOSTIAN ETA GASTEIZEN

Ilundu eta gero ere Ertzaintzaren oldarrak

Donostian, aurrena Arrasate kaleko egoitza itxi zuten ertzainek, eta Arriolako egoitza nagusian kazetari bat zauritu zuten, pilotakadaz

Garbiñe Olaizola | DONOSTIA

Batasunaren Donostiako egoitza nagusian ilundu ostean ere jarraitu zuen Ertzaintzak oldarrean. Izan ere, aurrena Arrasate kaleko egoitza itxi zuten, eta 20:00ak aldera agertu ziren egoitza nagusira Ertzaintzaren hamar bat furgoneta.

Joseba Alvarez eta Jon Sala-

berria ertzainburuarengana zuzendu ziren, eta hark egoitza ixteko agindua zutela eta uzteko ohartarazi zien. Batasunaren jarraitzaileek, baina, giza hesia egin zuten eraikinaren aurrean, eta bultzaka aritu ziren ertzainak. Jendea, bitartean, oihuka: «Demokrazia Euskal Herriarentzat», «PNV *español*» eta «Herriak ez du barkatuko».

Ertzaintzak oldartu egin zitzaizen pilotakadak jaurtiz, eta pertsona bat atxilotu ere bai. Giroa baretu zenean, egoitzaren ateko kristala mailu batez hautsi, eta barrura sartu ziren poliziak. 20 bat lagun zeuden barruan, eta banan bana atera eta identifikarazi zituzten: Joseba Permach, Anjel Mari Elkano, Juanjoxe Petrikorena eta beste.

Behin egoitza zigilatuta, ertzainen beste oldarraldia izan zen, 21:30ak aldera, eta kamera lanetan ari zen kazetari bat pilotakadaz zauritu zuten hankan. Ilundu eta gero ere tentsioak gori-gori iraun zuen, 22:00ak aldera jarraitzaileek eta ertzainek alde egin zuten arte.

Permachek gogor salatu zuen «frankisten eta faxisten erabakia eta EAJren jokaldi zikina».

«Horrela, horrela, Madrileraino» oihuak ertzainei Arrasate kalean

«Horrela, horrela, Madrileraino» oihuekin agurtu zituzten Arrasate kalean atzeraka erretiratu ziren ertzainak Donostiako Batasuneko militanteek, atzo arratsaldean Ertzaintzaren 30 kide inguruk alderdi horren egoitza zigilatu eta gero. Arratsaldeko 16:45ak inguruan iritsi ziren ertzainak Donostiako er-

digunean, Arrasate kalearen 43an, Batasunak duen Donostiako egoitzara. Iristeko unean, kanpoan zain zeuden Donostiako zenbait zinegotzi etxearen sotoan dagoen egoitzan sartu, atea itxi, eta barruan kateatu egin ziren.

Ertzaintzak Arrasate kalearen zatia itxi egin zuen eta pasabidea galarazi zien zigilatzearen aurka protesta egitera hurbildu zirenei, berrehun inguru. Bildutakoek oihuka jardun zuten ertzainek egoitzaren atearen sarraila, maza erabiliz, txikitu eta barruan kateatuta zeudenak kalera indarrez atera bitartean.

Sartu eta ordubetera, 17:50ak aldera, irten ziren ertzainak egoitza. Bildutakoek oihuak egin zituzten eta Eusko Gudarriak abestu. Azken unean istiluak izan ziren egoitzaren inguruko kaleetan.



JON URBE / ARGAZKI PRESS

MANIFESTAZIOA DONOSTIAN. Arrasate kaleko egoitza itxi eta Arriolan Ertzaintza noiz iritsiko zain zirela, manifestazioa ere egin zuten Batasunaren jarraitzaileek Donostian.



JON HERNAEZ / ARGAZKI PRESS

GASTEIZEN ERE TENTSIOA. Batasunaren jarraitzaileen eta ertzainen artean tentsio uneak izan ziren Gasteizen, eta poliziek hiru pertsona zauritu zituzten oldarraldian.

Gasteizen abiatu zuten operazioa

Arratsaldeko 16:05ean Ertzaintzaren sei furgoneta azaldu ziren Garzonen agindua betetzeko, eta hiru pertsona arin zauritu zituzten

Ivan Santamaria | GASTEIZ

Arratsaldeko 16:05 zirela, Ertzaintzaren sei furgoneta azaldu ziren Batasunak Gasteizko Ramiro de Maeztu kalean duen egoitzan. Autoetatik jaitsi eta berehala oldartu zitzaizkien poliziak han zeuden 70 bat lagunei. Haietako batzuk *Demokrazia Euskal Herriarentzat* leloa zuen pankarta zabaltzen ahalegindu ziren, baina ertzainek berehala erabitsi zieten eskuetatik. Lehenbiziko jazarraldi horren ondorioz, egoitzaren aurreal-

dea jendez hustu zen, eta kordoi bat ezarri zuen Ertzaintzak. Tentsio handiko uneak bizi izan ziren hesia osatzen zuten ertzainen eta manifestarien artean.

Elkarretaratuek txistuekin eta oihuekin erantzun zioten Ertzaintzari. Besteak beste, *PNV español*a edota *Zuek faxistak zarete terroristak* entzun ziren, Batasunari adore emateko eta independentziaren aldeko aldarriak lagunduta.

Ertzainek egoitzako kanpoaldeko ateko kristal bat eta barruko sarrera borra batekin txikitu

zuten. Une batzuk beranduago hasi ziren ateratzen barruan ziren Batasuneko militante eta karguak. Han ziren, beste hamar bat lagunekin, Antton Morcillo eta Rakel Peña legebiltzarkideak, Raul Garcia eta Iñaki Ullibarri batzarkideak eta Eba Gonzalez de Heredia, Jose Enrike Bert eta Jose Luis Lopez Arbina zinegotziak. Andoni Lariz euskara ataleko ordezkaria arrastaka atera zuen poliziak.

Kalez jantzitako lau ertzainek idazkari judiziala lagundu zuten egoitza ikuskatzera. Uniformea

zuen beste ertzain batek, berriz, Batasuneko bulegoak grabatu zituen, bai eta inguruan zeuden manifestariak eta informazioa biltzen ziharduten kazetariak.

Hiru pertsona arin zauritu zituen Ertzaintzaren jardunak

Bostak aldera Ertzaintzaren furgoneta batek alde egin zuen. Une horretan *Que se vayan* abesteari ekin zioten Batasuneko kideek. Ordu erdi bat beranduago, furgoneta itzuli eta Ertzaintza berriz oldartu zitzaizen manifestariei. Jazarraldian gomazko pilotak jaurti eta borrak erabili zituzten poliziak. Hiru pertsona arin zauritu zituzten oldarrak. Tartean, Estitxu Ugarte Batasuneko prentsa arduraduna.

Seietarako hogeit hamar minutu falta zirenean aurrez hautsitako atearen gainean bi taula jarri eta egoitza itxi zuten Ertzaintzak. *Zigilaturik* zioten pegatinak atxiki zituzten, halaber.

Kanpoko hesian, berriz, Espainiako Auzitegi Nazionaleko 5. epaitegiko agindua jasotzen zuen orrialdea paratu zuten. 18:00etan egoitza erabat itxita utzi zuen poliziak, eta ondoren alde egin zuen, jendeak *Herriak ez du barkatuko* oihukatzen zuen bitartean.

Ondoren, premiazko batzarrera egin, eta bildutakoei mintzatu zitzaizen Antton Morcillo legebiltzarkidea. «Aznar tirano espainolaren morroi» izatea leporatu zion EAJri Morcillok.

20:00etan, berriz, 200 bat lagun Andra Mari Zuriaren plazan elkartu ziren. Ertzaintzaren bi furgoneta han zeudela ikusita, ez zen manifestaziorik egin. 20:30etan, ordea, ehun lagun inguruk mobilizazioa abiatu zuten autobus geltokitik, pankartarik gabe. Frantzia kalean hainbat edukiontzi erreperidera jaurti zituzten, eta Erregearen Atea kalean beste bati su eman.